

Gwasanaethau Deintyddol Cyffredinol yng Nghymru  
Chwarter 4 ymlaen  
Canllaw ar gyfer Timau Deintyddol a Byrddau Iechyd

## Diben y ddogfen hon

Mae'r ddogfen hon yn amlinellu'r trefniadau ar gyfer: Chwarter 4 (Ion '21 - Maw '21)  
Chwarter 1 (Ebr '21 - Meh '21)  
Chwarter 2 (Gorff '21 - Medi '21)

Mae fersiwn 1.01 o'r Trefniadau Gweithredu Safonol Deintyddol, sydd i'w gweld [yma](#), yn parhau i fod yn weithredol, ac, fel sy'n arferol, cyfeirwch at y fersiwn hon am arweiniad ynghylch ymdrin â chleifion nad oes Covid-19 arnynt.

## Pryd y bydd y gwaith o ddiwygio'r Gwasanaethau Deintyddol Cyffredinol yn ailddechrau?

Roeddem yn gobeithio ailddechrau'r rhaglen i ddiwygio'r gwasanaethau ar 1 Ebrill '21. Yn sgil y sefyllfa bresennol gyda'r pandemig, penderfynwyd gohirio'r gwaith, a hynny tan Chwarter 3 (Hyd '21) fwy na thebyg.

## Beth am yr Unedau o Weithgaredd Deintyddol?

Bydd y cymorth ariannol a'r broses o atal yr unedau dros dro yn parhau yn ystod Chwarter 4, ac i mewn i'r flwyddyn ariannol nesaf.

## A fydd targedau i'w cyrraedd?

Mae mesur cronfeydd cyhoeddus a'r atebolrwydd yn eu cylch yn angenrheidiol. Mae angen i ni ddefnyddio'r amser hwn mewn modd cadarnhaol i adeiladu ar yr hyn a ddysgwyd o'r ymateb i'r pandemig a pharhau i weithio tuag at ddarparu deintyddiaeth gofal sylfaenol ataliol yn seiliedig ar angen/risg sy'n ataliol ac wedi'i lywio gan dystiolaeth.

Bydd pedwar mesur allweddol yn cael eu hystyried yn Chwarter 4, ac yna, yn y flwyddyn ariannol newydd, bydd sancsiynau'n gysylltiedig â **rhai** o'r mesurau hyn – bydd y sancsiynau'n cael eu hamlinellu'n glir a'u cyfleu i'r holl bractisau cyn dechrau Chwarter 1.

## Beth sydd angen i chi ei wneud yn Chwarter 4?

Dylid defnyddio'r chwarter hwn i ddeall y mesurau sy'n cael eu hystyried, paratoi eich practis, deall eich cyfrifoldebau o ran cofnodi'n weithredol, defnyddio'r dulliau sydd ar gael i chi, fel eDEN, ACORN, Attend Anywhere a hyfforddiant, a defnyddio'r cymorth gan AaGIC os oes angen: [HEIW.DentalQI@wales.nhs.uk](mailto:HEIW.DentalQI@wales.nhs.uk)

## Mesuriadau

1. Adrodd
  - a. ACORN
  - b. eDEN
2. Gweithdrefnau sy'n Cynhyrchu Aerosol
3. Farnais Fflworid
4. Cleifion newydd

Gwasanaethau Deintyddol Cyffredinol yng Nghymru  
Chwarter 4 ymlaen  
Canllaw ar gyfer Timau Deintyddol a Byrddau Iechyd

| Mesuriad                             |                                      | Beth sy'n ddisgwyliedig?                                                                                                                                                                                                                                                                                                                                           | Sut y bydd yn cael ei fesur?                                                                                                                                                                          | Lle y gallaf ganfod y wybodaeth hon?                                                                                                                                                                                                                                                                                                                                         |
|--------------------------------------|--------------------------------------|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| Adrodd                               | ACORN                                | <ol style="list-style-type: none"> <li>Bydd yr <b>holl</b> gleifion sy'n ymweld â'r practis yn cael asesiad ACORN unwaith y flwyddyn.</li> <li>Bydd pob un o'r 8 pwynt data yn cael eu casglu a'u trosglwyddo drwy'r ffurflen FP17w</li> <li>Bydd canlyniadau'r asesiad ACORN yn cael eu cyfathrebu i'r claf drwy'r cynllun atal wedi'i bersonoleiddio.</li> </ol> | Drwy gyflwyno ffurflen FP17W a thrwy wirio cofnodion y claf os oes angen.                                                                                                                             | <p>Byddwch yn gweld y data hyn ar hafan eDEN eich practis.</p> <p>Os ydych yn profi unrhyw anhawster, cysylltwch â <a href="mailto:nhsbsa.dentalinsight@nhs.net">nhsbsa.dentalinsight@nhs.net</a></p> <p>Gellir canfod cynlluniau atal wedi'u personoleiddio <a href="#">yma</a> – gellir cwblhau'r rhain a'u trafod gyda'r cleifion ac yna eu hanfon mewn e-bost atynt.</p> |
|                                      | eDEN                                 | Bydd pob practis yn ddefnyddiwr cofrestredig gydag eDEN a byddant yn gyfarwydd â'r adroddiadau ac yn eu rhannu â'u timau yn y practis.                                                                                                                                                                                                                             | Bydd Awdurdod Gwasanaeth Busnes y GIG yn darparu adroddiad ar bractisau fesul Bwrdd Iechyd nad ydynt wedi cofrestru i gael mynediad at eDEN eto.                                                      | <p>I gofrestru gydag eDEN, ewch i: <a href="https://www.nhsbsa.nhs.uk/eden">https://www.nhsbsa.nhs.uk/eden</a></p> <p>Ceir cyngor ar ddefnyddio eDEN <a href="#">yma</a></p>                                                                                                                                                                                                 |
| Gweithdrefnau sy'n Cynhyrchu Aerosol | Gweithdrefnau sy'n Cynhyrchu Aerosol | Ni osodwyd targed llym. <b>OND</b> gofynnir i'r Practisau weithredu nifer <b>rhesymol</b> o weithdrefnau – gellir amcangyfrif nifer rhesymol o weithdrefnau ar sail maint gwir werth y contract, nifer y cleifion y gofalwyd amdanynt yn flaenorol, anghenion y cleifion, materion staff a chyd-destun y pandemig.                                                 | Bydd yr adroddiadau'n cael eu rhannu gyda'r Byrddau Iechyd o'r dangosfwrdd FDS. Bydd y practisau sy'n gostwng o dan rif cyfartalog y Bwrdd yn sbarduno sgwrs gyda thîm contractio deintyddol y Bwrdd. | Mae'r data hyn i'w cael ar y dangosfwrdd FDS.                                                                                                                                                                                                                                                                                                                                |
|                                      | Awyru gwell                          | Tystiolaeth o'r newid yn yr aer pob awr                                                                                                                                                                                                                                                                                                                            | Y wybodaeth i'w chyflwyno i'r Bwrdd                                                                                                                                                                   | Yn unigryw i bob practis.                                                                                                                                                                                                                                                                                                                                                    |

Gwasanaethau Deintyddol Cyffredinol yng Nghymru  
Chwarter 4 ymlaen  
Canllaw ar gyfer Timau Deintyddol a Byrddau Iechyd

|  |  |  |                                                |  |
|--|--|--|------------------------------------------------|--|
|  |  |  | Iechyd erbyn y 31 <sup>ain</sup> o Fawrth 2021 |  |
|--|--|--|------------------------------------------------|--|

| Mesuriad         |          | Beth sy'n ddisgwyliedig?                                                                                                                                                                                       | Sut y bydd yn cael ei fesur?                    | Lle y gallaf ganfod y wybodaeth hon?                               |
|------------------|----------|----------------------------------------------------------------------------------------------------------------------------------------------------------------------------------------------------------------|-------------------------------------------------|--------------------------------------------------------------------|
| Farnais fflworid | Oedolion | Isafswm o 80% o'r oedolion sydd wedi'u dosbarthu'n Goch neu'n Ambr ar gyfer risg o bydredd gweithredol neu sydd â phydredd o'r fath i gael farnais fflworid.                                                   | Drwy'r ffurflenni FP17W rydych wedi'u cyflwyno. | Bydd y wybodaeth hon ar gael ar ddangosfwrdd eich practis ar eDEN  |
|                  | Plant    | 80% o'r <b>HOLL</b> blant i gael farnais fflworid                                                                                                                                                              |                                                 |                                                                    |
| Cleifion newydd  |          | 2 glaf newydd* fesul £160k o wir werth y contract yn cael eu gweld bob wythnos. Os hoffech holi beth mae'r ffigur hwn yn ei olygu i'ch practis chi, cysylltwch â thîm contractio deintyddol eich Bwrdd Iechyd. | Drwy'r ffurflenni FP17W rydych wedi'u cyflwyno  | Bydd y wybodaeth hon ar gael ar ddangosfwrdd eich practis ar eDEN. |

**\*Cleifion newydd**

Diffinnir claf newydd fel:

- **Newydd i'r Contract:** Diffinnir cleifion newydd fel cleifion yr oedd eu hymweliad blaenorol â'r contract yn fwy na 12 mis (plant) neu 24 mis (oedolion) cyn eu triniaeth bresennol, neu fel cleifion nad ydynt wedi ymweld â'r contract o'r blaen.
- **Newydd i'r GIG:** Mae cleifion sy'n newydd i'r GIG yn cael eu diffinio fel cleifion yr oedd eu hymweliad blaenorol at unrhyw gontract GIG yn fwy na 12 mis (plant) neu 24 mis (oedolion) cyn eu triniaeth bresennol, neu fel cleifion nad ydynt wedi ymweld ag unrhyw gontract GIG o'r blaen.

Gwasanaethau Deintyddol Cyffredinol yng Nghymru  
Chwarter 4 ymlaen  
Canllaw ar gyfer Timau Deintyddol a Byrddau Iechyd